



**KÛRT YAZARLAR DERNEĞİ**  
**KOMELEYA NÎVÎSKARÊN KURD**  
**KURDISH WRITERS' ASSOCIATION**  
**2004**

**JI RAYA GIŞTÎ Û ÇAPEMENIYÊ RE**

Li Amed, Êlih, Stenbol û gelek ciyên din pîrozkirina Newrozê li gorî wateya xwe pêk hat, bi rengê cejnê derbas bû. Lê belê li hinek bajarên ji bo pîrozkirinê destûr nehat dayîn û bûyer derketin. Li Wanê, Sêrtê, Cûlemêrgê û Gewerê hêzên ewlekariyê bi awayê neyînî û tundiravî nêzikahî nîşandan û bûn sedema bûyeran.

Newroz roja mizgîna biharê ye û di vê rojê de şahî û govend li dar dikevin. Lê di vê rojê de ji şadiyê bêtir xwîn hatiye rijandin, gelek însan bi îşkence û lêdanê hatiye hilperandin. Di bûyeran de Li Sûriyeyê li bajarê kurda Qamişloyê 3 kurd; li Wanê Îkbal Yaşarê 20 salî; li Gewerê Zekî Erîncê 35 salî bi destê polîsan hatine kuştin. Ji 100 kesî zêdetir birîndar hene. Ji vana 30 kes bi guleyên polîsan birîndar bûne.

Bi guleyên rastîn û yê plastîk êrîşê girseyan hatiye kirin, yê ku hatine girtin bi îşkence û lêdanê kîndar hatine binçavkirin, mudaxelekirin ku hatine kirin jî bê şiyarî hatine kirin, li hember xwepêşandêran zor û lêdanek bêkontrol hatiye bikaranîn. Bi taybetî li Gewer û Wanê bi tevahî însiyatîf di destê hêzên ewlekariyê de maye. Ji bo ku bi riya aştiyê çareserî pêk bê parlamenterên DTP'ê ketine navberê, lê berpirsên hêzên ewlekariyê kesê guh nedaye wan. Kesên berpirs bi destê parlamenteran jî ne girtine. Bi awayekî tund û êrîşkar nêzikahî nîşan dane. Ev jî li hember çavê hemû dinyayê hatiye kirin.

Dibû ku wekî her sal îsal jî pîrozkirinê Newrozê bi awayekî xweş û bi rengê cejnê derbas bibûye. Her çi qas Wezaretê Karên Hundirîn genelgeya "bila destûr bê dayîn" şadibe jî walî û gerîndeyên ewlekariyê bi awayekî bêberpirsiyarî destûr nedane û bûne sedemê bûyeran. Nêzikahiya bi vî rengî li gorî me watedar e!

Dixwazin çi bikin?

Hêzên ewlekariyê dema ku mudaxele kirine bi awayekî bêkontrol zor û lêdanê pêkanîne. Ev jî gelek dîmenên ne xweş û ku nayên qebûlkirin aniye meydana. Ev nêzikahî bi xwe re hêrs û pefçûnan jî aniye.

Em wekî Komeleya Nivîskarên Kurd vê rewşa hanê şermezar dikin û dibêjin ku bila berpirsên van bûyeran yê ku bi zor û lêdana bêkontrol bi ser gelê kurd de çûne bêne girtin û bêne darizandin.

Em dixwazin ku ew kesên ku hatine girtin bilez bêne berdan û walî û gerîndeyê ewlekariyê yê ku bûne sebebê kuştinan û birîndariyan di heman demê de ji peywirê bîdûrxistin.

Her wiha em ji gelê kurd û lêzimên kesên ku jiyana xwe ji dest dane re sersaxî dixwazin, ji birîndaran re şafayê dixwazin û hêvî dikin ku gelê kurd careke din li hember bûyerên bi vî rengî rû bi rû nemîne. 26.03.2008

*Komeleya Nivîskarên Kurd*

Navnîşan: Huzurevleri Mah. Dr. Sıtkı Görâl Caddesi  
Kalem Sokak No: 32 K: 4  
**Kayapınar/Diyarbakır**

WEB: [www.kurtyazarlardenegi.org.tr](http://www.kurtyazarlardenegi.org.tr)  
Tlf-Fax: 0090 0412 237 43 16  
GSM: 0090 533 655 69 85  
E-Mail: [komeleyaniviskaran@yahoo.com](mailto:komeleyaniviskaran@yahoo.com)  
[komeleyaniviskaran@hotmail.com](mailto:komeleyaniviskaran@hotmail.com)

[a\\_irba@yahoo.com](mailto:a_irba@yahoo.com)